

兵部則例



兵部則例

武選清吏司

職制下

一單月衛守備選法。順治初年定。以守禦所千總。門衛千總。較俸升轉。○又定。衛千總。領運全完。注冊即升者用一人。門衛千總。捐升守備者用一人。應升者用一人。門衛千總。捐升守備者用一人。定為一。即升班。一應升班。一捐升班。再將此三班。以次各升一人。為二。即升班。二應升班。二捐升班。以上用六人之後。以守禦所千總。議叙即



升。及俸深無事故。並領運全完。加至都司銜奉
旨以衛守備用者。共為守禦所升班。相間升用一人。
○乾隆元年奏準。衛所千總。領運全完。加至都
司銜奉

旨以衛守備用者。於大衛告降班之下。別立一班。較
俸推升一人。○三年議準。衛所千總。領運全完。
加至都司銜奉

旨以衛守備用者。於一即升。一應升。一捐升之後。增
設一大衛升班。並將乾隆元年所設大衛升班。
移至二即升。二應升。二捐升之後。為第二大衛

升班。較俸升用。○七年議準。門千總。食俸年久。
步軍統領。出具考語。咨部引

見。區別營衛注冊。其奉

旨以衛用者。歸於單月應升班。與衛千總一體較俸
升用。不準統計京俸。○又議準。即升班。按文到
日議叙先後為序。如同日文到。與應升班各官。
均照食俸先後升用。捐升班。按捐納日期先後
升用。如同日捐納。籤掣先後注冊。遇闕推升。大
衛以衛用者。各按引

見奉

旨日期先後補用。如同日奉

旨。照食俸先後推用。○又議準。衛所千總。加至都司。銜。具呈告降。以衛守備用者。照具呈注册日期。於推用九人之後。升用一人。俟告降注册人數。用完。即將此班停止。○十四年議準。衛所千總。議叙即升者。遇應升班內。俸次已到者。仍準其較俸升用。

一雙月衛守備選法。順治初年定。凡裁汰。改推還職。降補三甲武進士。題準給劄等項。以次選補。每遇員闕至三。各項用一人。武進士用二人。

○雍正十一年議準。難廕議叙。以衛守備用者。入於雙月給劄班推補。○又議準。効力武舉。三年期滿。以衛守備用者。入於効勞班推補。○十二年奉

旨。藍翎侍衛。以衛守備用者。仍歸武進士科班。以次選

用。○乾隆元年奏準。見任營守備。調取引

見以衛守備用。及掣補營守備之武進士。並効力等官。年滿千總引

見改用衛守備者。於選用衛守備班次之末。設改用班。將見任調補者。於改用班內先用。其三項官。

按奉

旨日期先後推用。如同日奉

旨。武進士。按簡選年分。効力官。按考職年月。年滿千
總。按注册先後。如與別項官。同日奉

旨。令其公同掣籤。以次推補。○三年奏準。凡遇還班
項下。降補衛所官。與開復捐還兩項。相間輪推。
降補開復。按奉

旨日期先後推用。如同日奉

旨。令其公同掣籤。注册推補。捐還原職官。按捐還日
期先後推用。如同日捐還。亦令公同掣籤。注册

推補。○五年奏準。武進士。充補提塘。効力年滿。
應以衛守備用者。按年滿日期先後。設効力班。
以次選用。如年滿日期相同。按科分名次推補。
其由世爵出身之藍翎侍衛。奉

旨以衛守備用者。按補授藍翎侍衛日期。與投供應
用之武進士。科分年月日期。相較推用。○七年
議準。雙月衛守備員闕。將開復。降調。捐還。三項。
共為還班。相間輪推一人。簡選入三等武進士。
及奉

旨歸入武進士班。以衛用之藍翎侍衛。用二人。為科

班。難廕守備以衛用者。用一人。為給劄班。効力
期滿以衛用者。用一人。為効勞班。武進士充補
提塘。期滿以衛用者。用一人。為効力班。捐納衛
守備。用二人。為捐班。見任營守備。調取引
見以衛用者。及掣補營守備之武進士。並効力官。年
滿千總引

見改用衛守備者。共為改班。相間推用一人。○又議
準。難廕守備。効力等官。各按奉

旨。以衛用日期先後補用。如同日奉
旨。難廕官。照題廕先後。以次推補。効力官。以期滿先

後為序。如同日報滿。照科分名次推補。捐納官。
每班用新捐三人。間用舊捐一人。其舊捐新捐
等項。均相間輪推。如同例捐者。按輸庫日期先
後推用。同日者。令其公同掣籤注册。以次推補。
○九年議準。直振例。捐衛守備者。為新捐。其前
新捐班。改為舊新捐。每班用新捐三人。次用舊
新捐一人。再次用舊捐一人。○十一年議準。新
江事例。捐納衛守備官。於原設捐班之下。增設
二班選用。○十三年議準。川運事例。捐納衛守
備官。於新江班次之下。增設二班選用。○又議

準。東振事例。捐納衛守備官。於人文到部投供。按輸庫日期。各班用四人之後。選用一人。如投供無人。即將別班推用。俟續有投供到部。即行還補一人。餘仍於各班四人之後。相間輪用。

一守禦所千總選法。康熙五十三年議準。漕標効力。領運全完。並無事故者。設委用班選用。○又議準。効勞期滿。考授守禦所千總者。設効勞班推用。○雍正十二年奏準。豫籌糧運事例。捐納守禦所千總者。別立一班選用。○又議準。武

舉充補提塘。應以守禦所千總用者。入効勞班即用。○乾隆三年奏準。降補守禦所千總。與開復捐還各官。相間輪推。開復降補者。各按奉

旨日期先後推用。如同日奉

旨。令其公同掣籤。注册推補。捐還者。按捐還日期推用。如同日捐還。亦令公同掣籤。注册推補。○五年奏準。改武廩生。以守禦所千總用者。入於給劄班內選用。按奉

旨日期先後。如同日奉

旨。按題廩改武日期。以次推補。○七年議準。守禦所

千總員闕以開復降調捐還等項共為一班。相
間輪補一人。南漕効力。領運全完。並無事故者
用一人。改武廕生。以守禦所用者用一人。効力
期滿。考授守禦所者用一人。捐納守禦所者用
二人。每班用新捐三人。間用舊捐一人。豫籌糧
運例。捐納守禦所者用一人。○又議準。南漕効
力。三運全完。咨部注冊。各按文到日期先後入
於委班推用。如同日文到。令其公同掣籤注冊。
推補効勞官。以期滿先後為序。如同日報滿。按
科分名次推補。不由武舉出身者。照考職。捐納
年月等第名次先後補用。

官。舊捐新捐。均相間輪推。如同例捐者。按輸庫
日期先後推用。同日者。令其公同掣籤注冊。推
補。豫籌糧運。同日捐納者如之。○九年議準。直
振例。捐守禦所千總者為新捐。從前新捐者。改
為舊新捐。每班用新捐三人。次用舊新捐一人。
再次用舊捐一人。又新江川運。東振各例。捐守
禦所千總者。均歸原設捐班選用。
一門千總選法。雍正二年議準。外七門千總。將
漢軍武舉連用二人。次用漢軍捐納者一人。○
又議準。漢軍武舉及捐納之人。遇門千總員闕。

則補門千總。遇衛千總員闕，則補衛千總。門衛並推。武舉按簡選年分，捐納者按原捐班次，照例推用。○十年議準，內九門千總，照外七門千總之例，將漢軍武舉，並漢軍捐納者，一例推用。○乾隆元年奏準，門千總員闕，用漢軍武舉二人，次用漢軍監生捐納者一人，次用隨幫漢軍武舉二人，再用漢軍監生捐納者一人，武舉按簡選年月科分名次，監生按捐納日期先後，隨幫按運滿日期推用，如同日運滿，仍照簡選年月科分名次推用。○七年議準，世家子弟交巡

捕營以千總用者，準其改用門千總，借用捐納二班，照無班可歸之例，於二闕選用一人，按奉旨日期先後，如同日奉

旨，令其公同掣籤，以次選補。如本班捐納有到部投供者，仍以本班先用。

一衛千總選法，雍正十一年議準，開復降調捐還三項官，以次按其緣事開復先後日期輪推。○又議準，一二等武舉，各設一科班，三等武舉設四科班，均按簡選年分，以科分名次推用，如一二三等武舉，同年簡選，而一二等中有科分

較深者。將三等之科班。借與一二等推用。○又議準。難廕官設一廕班。一二三等守禦所隨幫。一二等武舉隨幫。三等武舉隨幫。一二三等漢軍武舉隨幫。各設一隨幫班。均按運滿日期推用。如日期相同。仍照簡選年分。以科分名次相間推補。○又議準。一二三等武舉隨幫內。有科分深者。設一深科班。各按科分名次推用。○又議準。一二三等世爵隨幫。及二三等効力各官。設一給劄班。按簡選年分。相間輪推。○又議準。捐納衛千總。設二班升用。每班用新捐三人。間

用舊捐一人。其舊捐新捐各項。均相間輪推。如同例捐者。按輸庫日期先後推用。如同日輸庫。令其公同掣籤。注册推補。○十二年奏準。豫籌糧運例。捐納衛千總。於二捐班之下。設一別用班選用。○乾隆元年奏準。南漕効力官。三運全完。咨部注册。按文到日期先後推用。如同日文到。令其公同掣籤。以次推用。○又奏準。一二三等守禦所隨幫。一等與一等較。二等與二等較。三等與三等較。各按運滿日期。相間推用。○又奏準。一二三等武舉隨幫內。簡選早。而選期已屆

者。於深科班下。設一簡選班推用。如簡選年分相同。按等第名次選用。不較科分名次。○又奏準。一二三等世爵隨幫。及二三等効力官。共設一給劄班。一等與一等較。二等與二等較。三等與三等較。各按簡選年分。相間推用。○又奏準。武舉隨幫在途。委領重運漕糧一次者。設代領重運班。於十九班之後。選用一人。按重運報滿日期先後推用。如日期相同。照簡選年分。以科分名次選補。○三年議準。南漕重運。科分最深者。按科分名次先後。入於代領重運班內。相間

輪推。如科分名次相同。令其公同掣籤。注册推用。○七年議準。開復降調者。按奉

旨。日期先後推用。捐還原職者。按捐還日期先後推用。如同日奉

旨。同日捐還。均令公同掣籤。注册推補。○又議準。衛千總員闕。以開復降調。捐還共為一班。相間用一人。簡選武舉。一等科班。用一人。二等科班。用一人。三等科班。用四人。南漕効力領重運者。用一人。難廩。用一人。一二三等守禦所隨幫。用一人。一二等武舉隨幫。用一人。三等隨幫。用一人。

一二三等漢軍武舉隨幫用一人一二三等武舉科分深者用一人一二三等武舉簡選早者用一人一二三等世爵隨幫及二三等効力官相間用一人捐納者用二人豫籌糧運例捐納者用一人隨幫武舉委領重運及南漕重運之科深者共為一班相間用一人小銜副將之廕生以衛千總用於各班之末用一人○八年諭武舉內有隨幫効力年滿之人應以衛千總用者其選用之法按其從前簡選等第分班銓選一等人數無多選期尚速其二等有數十人三等多至

二百餘人每年選用不過三四人甚為壅滯朕思衛千總與營千總雖屬有間但武職皆尚技勇亦當及其強壯之時而用之且此項武舉既係隨幫年滿非閒散武舉可比若遲至二三十年之久方得錄用未免精力就衰難為國家宣力所當酌量疏通著該部詳悉妥議具奏欽此遵

旨議準衛千總班內設有二捐班係選用從前捐納等官應將此二班借與三等隨幫補用如本班捐納有赴部投供者乃盡本班人先用其豫籌糧運例捐納衛千總已用完應將原設別用班

移於二班之上。改用二等隨幫。○又議準。代領重運官。按檄委代領日期先後推用。如日期相同。照簡選年分科分名次推用。○九年議準。直振例。捐納衛千總為新捐。從前新捐者改為舊新捐。每班用新捐三人。次用舊新捐一人。再次用舊捐一人。至衛千總捐班。先因捐納人少。借與三等隨幫選用。此次捐納官。既歸原設捐班選用。其三等武舉隨幫。應於三等幫班之下。增設一班選用。○十年議準。衛千總班次內。設有廕班。係選用難廕官。此項人數甚少。見在並無

到部之人。應將此班。借與三等隨幫補用。如本班難廕官有到部者。盡本班人先用。○十一年議準。新江例。捐納衛千總。應於原設捐班之下。增設江振新班。分別選用。由武舉應補應選捐納者用二人。監生捐納者用一人。○十三年議準。川運例。捐納衛千總。亦應增設班次。由武舉應補應選。捐納者用二人。由監生並監生已捐衛千總職銜。捐納者用一人。○又定。東振例。捐納衛千總。由應補應選捐納者。人文到部投供。按輸庫日期。於各班用七人之後。選用一人。如

投供無人將別項官推用。續有投供到部。即行
還補一人。仍於各班用七人之後。再行輪用。其
由監生捐納衛千總者。於東振應補應選官。用
二人之後。選用一人。○十八年奏準。三等隨幫
積至三百餘人。銓選壅滯。請將見在無人投供
之息廕班。照借難廕班例。以三等隨幫武舉補
用。如息廕人員。有赴部投供。亦照例先盡本班
先用。

一陝西甘肅衛所官選法。守備六。隸甘肅。千總六。隸陝西。康熙
五十三年議準。守備千總。專用科目。本省人。照

文職例迴避。如雙月應選等官。非科目出身者。
即將見在投供科目官。以次推用。不還班。先盡
科目。推用。如本班無人。即將單月應升官。非科
目出身者。即將見任科目官。較俸以次推升。亦
不還班。先盡本班科目。推升。如本班無
人。即將下班科目。較俸推升。○雍正
六年議準。陝西甘肅衛所官。五年俸滿。均照邊
俸例。注册升用。

一衛所官改用。順治初年定。凡遇營守備員闕。
每年正七兩月。武選司專以守禦所門衛千總
內奉。

旨以營用者。開付職方司升用。其三月五月九月十一月分。仍將衛守備。門衛千總。開付職方司。以次升用。內有補職開復者。亦通行較俸。一例開付升用。○又議準。門衛所官。選補推升後。或題留原任。或題補有人。及裁汰。改推迴避。親老改補近省。領劄無任可到。奉

特旨補用者。不入班次即用。均與營例同。

詳見職方司則例。

○又議準。候選衛所官。於未掣籤之前。以不識文義具呈者。準改入營伍用。若掣籤得補後。始以不識文義具呈者。原品休致。○又議準。戶工

二部。開復衛所各官。具題到部者。由部覈對原叅分數。將應準注銷各官。亦照截限之例。鈔咨二十日。以內到者。於本月擬升。若二十一日以後到者。扣於下月擬升。其具題本內。將錢糧已完。應準銷案各官。及未完各官。並為一本具題到部者。仍候題覆奉

旨後。將應銷案各官推升。

一題補事繁衛守備。千總。雍正五年議準。江南之江淮。興武。蘇州。鎮江。大河。揚州。泗州。浙江之杭州。山東之濟寧。湖南之岳州。湖北之武昌。武

昌左衛均屬事務繁難。遇有員闕。總漕於所屬守備內。遴選才具優長。無事故者。題請調補。給咨赴部引。

見其所遺之闕。歸月分銓選。○乾隆八年議準。江南之泗州。改為簡衛。山東之德州。改為繁衛。○又議準。調補繁衛守備。停其送部引。

見於議覆奉

旨後。即給劄赴任。○十年覆準。如千總。有才具平常。不勝繁任者。總漕即於事簡千總內。簡選具題。對調補用。○又議準。江淮衛之三六七八九各

幫。興武衛之頭三四六七八九各幫。淮安衛之二四兩幫。廬州衛。大河衛之二三兩幫。揚州衛之頭幫。鎮海衛。泗州衛之前後兩幫。鳳陽衛之常州幫。均屬繁難。遇有千總員闕。總漕照調補繁衛守備之例。於事簡千總內。遴選題補。○十三年議準。杭州衛之頭二兩幫。溫州衛。紹興衛之前後兩幫。遇有千總員闕。均照江淮等二十四幫之例行。○十五年議準。江南之鎮海。鳳陽。長淮。浙江之嘉興。均改為繁衛。○又議準。揚州衛之三幫。安慶衛之頭幫。建陽之寧太幫。遇有

員闕亦照江淮等二十四幫之例行。○又議準各省管河千總員闕由總督於所屬千總把總內簡選拔補咨部具題。○十八年議準江淮衛六幫興武衛頭幫九幫鎮海衛後幫均改為簡任。台州衛前後二幫金衢所幫均改為繁任一貴州衛千總選法原定總督於通省千把總內選通曉文義熟悉苗情辦事勤慎者不論武舉行伍出身一體拔補報部彙題奉

旨後給與劄付五年俸滿著有成效準以營守備題補。○乾隆五年議準貴州省難廕衛千總情願

赴部候推者仍照例歸班推用其家貧告降願以營把總用者總督考驗如果年力強壯弓馬嫻熟準其一例拔補。○八年覆準邊省難廕衛千總情願告降者均照黔省之例行。

一簡選武舉等官康熙三十九年議準會試之年將漢軍漢人武舉及各省隨幫並効力年滿等官在部投供足百人之數由部列領侍衛內大臣大學士八旗都統名奏請

欽點會同考試其馬步射堪用者照例以衛所千總選用不堪者草職。○又定考試武舉馬步射皆

優者列為一等。馬射優。步射平。步射優。馬射平者。列為二等。馬步射皆平者。列為三等。均注册。歸入各班內。選用衛千總。如弓馬生疎者。列為四等。令回籍學習。俟下次簡選之時。再行簡選。其弓馬不堪。人衰老者。列為五等。奏請革職。○又議準。各省同科武舉。具呈簡選。照直隸。山東。山西。河南。江南。江西。福建。浙江。湖北。湖南。西安。甘肅。四川。廣東。廣西。雲南。貴州。等省先後。以次入册。○乾隆元年議準。每科武進士。由部奏點大臣。會同簡選。分為三等。一二等者。以營守備。

注册。方隸職司三等者。以衛守備注册。各按考驗年月。科分名次推用。其從前簡選二等。以衛守備用之。武進士。再行考驗。亦定為一二三等。分別推用。如前制。

一簡發南漕効力官。康熙五十一年議準。由部於候選千總內。簡選三四十人。引

見。恭候

欽定。發往漕標効力。如委押重運。果能抵通全完。咨部注册推用。○雍正二年議準。南漕領重運需人。總漕將需用名數具題。由部於已經簡選候

推衛千總之漢軍漢人武舉。並候推守禦所千總內。令各取具同鄉京官印結。及該旗圖結存案。題請會同內大臣簡選引

見照總漕題請名數恭候

欽定發往効力。三運全完。咨部注册。○又議準簡選武舉。並候推守禦所隨幫効力者。於總漕處具呈。遇有隨幫員闕。報部給劄頂補。三運無誤。以衛千總推用。○乾隆十六年議準。隨幫武舉。於掣定幫次之後。如有患病請假者。照領運患病回籍調理之例。委官驗實。取結咨部。準其調理。

病痊之日。仍以原幫補用。

一降補衛所官。順治初年定衛守備降一級補守禦所千總。守禦所千總降一級補衛千總。○康熙三十三年議準。衛千總降一級。以營千總用。分發近省。與應行考拔各營弁一同考驗拔補。○雍正六年議準。門千總皆係漢軍。若降補把總。發與巡捕營。馬蘭鎮。泰寧鎮。熱河等處。考驗拔補。衛所守備千總効力武舉。如係漢軍。皆照此例分發。○乾隆元年議準。南漕領重運各弁。及隨幫武舉。應降一級者。以營千總用。降二

級者以把總用。均令赴部。按所降品級發原籍。近省與應行考拔之營千總把總。一同考驗拔補。降三級者革職。

一領運漕糧考成。順治年定。江南江西浙江湖廣糧多路遠。領運守千。抵通之日。限內全完者。每運加銜一等。山東河南糧少路近。領運守千。限內全完者。初運紀錄一次。二運紀錄二次。三運加銜一等。○又定。領運漕船過淮。江北限十月以內。江南江寧蘇松等處限正月以內。江西浙江湖北湖南限二月以內。山東河南限正

月以內。全數啓行。違限一月者。革職。督運全完者。題請開復。○康熙三年題準。運官赴兌漕糧。不能嚴行管束。致運軍爭索斛面酒席。噪辱糧官者。運官以故縱例議處。○又題準。運官縱容運軍沿途生事。阻壓行船。毆辱官員。及運軍隱匿民船。運弁不行約束。及隨幫官領押回空。停泊數里。兵役催趨。縱運軍毆打官兵。及毆斃民命者。均革職究擬。沿途營汛官弁。不察拏者。降二級調用。若已抵津通。將不行察拏之副將。亦降二級調用。總兵官降一級留任。該營汛已經

察拏申報者。槩免議處。已經申報。而該鎮不察者。降一級調用。○又題準。運官緣事。應革職究擬。未經起程。督撫即行審擬。再僉別弁領運。已經起程者。除命盜重情。革職提問。其尋常呈誤。俟交糧完日。押令回省審結。○五年題準。領運官弁。勒索運軍飯米。擅扣行月公費等銀。及縱容親僕。需索常例者。抵通交糧完日。嚴提訊追。按律究擬。至漕船所過地方。有兵丁需索銀錢者。該管千把總。照失察衙役犯贓例。議處。官弁需索。將該管上司。照不揭報劣員例。議處。需索

之人。計贓以枉法論。如止收受土儀禮物。官罰俸六月。兵營四十。若旗丁行賄。運官不申報者。照應申不申例。議處。知情故縱者。照以財行求律。與旗丁一并治罪。○又題準。運官擅準運蠹呈詞。拘繫新運幫弁。稽誤新漕者。照誤漕例。議處。○十一年題準。漕船到通。山東。河南。限三月初一日。江北。限四月初一日。江南。限五月初一日。江西。浙江。湖廣。限六月初一日。各省漕船。均限三月完糧。如到通違限。不及一月者。罰俸三月。一月以上者。罰俸六月。二月以上者。罰俸一

年三月以上者降一級留任。領運白糧。照此處分。○又題準。運弁私載客貨已貨及私鹽者。革職。若運軍攬載客貨私載已貨私鹽。運官失於覺察者。降一級調用。○又題準。衛官捏告運官侵欠糧米。希圖奪運。貽誤漕糧。及已經僉運。抗違規避。誤漕。並以私事不親押運。起卸後始行趕至。運竣南旋。托故回籍者。均革職。其因公羈誤者。罰俸六月。○二十一年題準。抵通漕糧。有糠粃砂土者。領運官革職。如無糠粃砂土。收糧官抑勒不收者。降二級調用。○二十六年題準。

運官巡察不勤。以致失火燒燬漕船者。降一級調用。沿途營弁不實力撲救。以致延燒別船者。罰俸一年。○二十七年題準。運弁需索運軍不遂。不顧風浪。逼船渡江。以致漂沒漕糧。淹斃人口。照例治罪。追埋葬銀。給死者之家。漂沒之漕糧。著落追賠。○二十八年題準。運官縱軍捉船駁淺。漫無約束者。題叅。照溺職例革職。○二十九年題準。運官縱令運軍停泊演戲。誤漕者。革職。沿途營弁不速催趲。弁無故令先後越幫者。專汎官。罰俸九月。兼轄官。罰俸六月。○又題準。

運官凌辱牘官。責夫開牘。洩水誤漕者。草職究擬。其不按程催趲。沿途脫幫遲誤者。降二級。戴罪督運。謊報水淺塞責者。罰俸六月。○又題準。漕船立纛豎旗。鼓吹張樂者。運官罰俸一年。○又題準。衛所官解送駁船。遲誤朽壞者。罰俸一年。○又題準。領運白糧。私行與人者。運官草職提問。○四十三年議準。漕船抵通。運官以通幫糧米計算。如不及一分者。草職追比。完日開復。一分至三分。均草職追比。完日免罪。四分至五分。均草職追比。完日仍交刑部定擬。未完六分。

以上者。即交刑部按律治罪。○四十六年議準。各省運糧旗丁。有領運六年。於應交額糧之外。陸續多交二百石。以及運糧二十年。並無侵欠事故者。均由倉場總督覈實咨部。叙以九品頂帶榮身。○又議準。運糧守千。除貪賊失守軍政糾參及隱匿逃人之罪。不準以完糧議叙抵銷。其因公呈誤。應降級調用者。準以見叙加銜一等。抵降一級。已加之銜。不準抵銷。其議叙紀錄者。亦準抵罰俸。○五十年議準。漕糧未經兌完。捏報兌完。漕船未經啓行。捏報啓行者。衛所官

均降二級調用○五十一年題準。衛所官將領運漕糧。私自改折者革職○又議準。承僉運軍千總。擇家道殷實者。具結呈報。該管守備等官。驗實加結。如有侵欠。將濫行出結之守備千總。均降一級調用○五十四年議準。運弁欠糧。革職。發回本省。限一年追完。如限內不完者。按分數議罪○雍正元年題準。漕船在內河失風。領運官弁。照失於防範例。罰俸一年○又題準。運弁抵通無欠。發完呈限單。限一月到淮。違者照規避例咨革○二年覆準。湖南漕糧。限十一月

運至岳倉。如交兌稽遲。遲至十二月者。領運官照漕船逾二月啓行例。議處。如能依限。過淮該督題請開復○三年議準。領運守千。於該管幫船一年之內。並無私鹽事故者。紀錄一次。隨幫能拏獲首明私鹽三次。及該幫三次回空。並無私鹽事故者。該管上司。出具印結咨部。以千總推用○又議準。運弁虧欠漕糧。發回本省追比。戶部倉場。移咨兵部。注闕別補○又議準。漕船夾帶私鹽。領運官降三級調用。隨幫武舉。褫革。如倚恃漕船。任意販載私鹽。不服盤詰。領運官

草職隨幫武舉。責四十禡草。○四年議準。漕船私帶銃礮者。失察之該管官。均降一級調用。失察私帶鳥槍者。罰俸一年。○五年題準。漕船在大江。黃河。洪澤湖。遭風漂沒者。勘實具題。運官免其議處。其沿途官弁。遇糧船失風漂沒。不即申報者。降一級調用。不親臨確勘。遽出保結者。革職。○又題準。領運漕船。若遇風色不順。水勢浩大。暫停守候。即將守候日時。申報總漕。倘不顧風色水勢。催趲前進。在內河致有疎虞者。運官與專汎營弁。均罰俸一年。如捏稱風水未便。

停泊逗留者。運官與專汎營弁。均降二級調用。○又議準。漕糧潮濕霉變虧折者。運官革職。限一年賠補完日。送部引

見請

旨開復。不完究追。其居官優者。督撫保題留任。亦限一年賠補完日開復。○又議準。運軍犯罪。責令該幫守千。拏解有司。按律究治。如疎縱脫逃。及遲延不解者。該督察明題叅。按運軍犯罪之輕重。照例分別議處。○六年議準。漕船過淮。違限已經議處。於抵通之日。將抵通違限日期。準扣

除免議如過淮違限十日者將抵通違限十日日期多寡照此扣除○又

議準。運軍攬和水米。運官不行察出者。革職。如

隱匿不報。革職。枷示。俟運軍將糧米賠補全完

日釋放。○十年議準。漕船夾帶硝黃者。運官照

夾帶私鹽例議處。○十一年題準。廬屬漕船限

正月內過淮。逾限議處。○十三年議準。漕船出

運。遇有風火事故。應賠造而擅行雇募者。降一

級調用。應賠造而擅行買補。及應買補而擅行

雇募者。均罰俸九月。至漕船出運十年。已經滿

號。衛守備不先期請造。致誤冬兌冬開者。革職。

如有捏報成造。或釘稀板薄。造不合式者。降二級調用。仍將料價著落追賠。其奉委成造。推委不行。並日久不完竣者。均降一級調用。○乾隆

二年議準。領運遠省漕糧。一運全完。加銜一等。

二運全完。加銜二等。三運全完。叙以即升。如領

運數多。照此間叙近省。一運全完。紀錄二次。二

運全完。加銜一等。三運全完。紀錄二次。四運全

完。再加銜一等。五運全完。紀錄二次。六運全完。

叙以即升。如領運數多。照此間叙。其効力武舉。

委領重運。抵通全完者。遠省。每運於補官日。紀

錄二次。近省每運於補官日。紀錄一次。○三年
奏準。領運千總。督同正丁。料理回空。夫價飯米。
有不行預備者。倉場侍郎察究。勒限十日備足。
坐糧廳。給以限單。仍令趕幫南下。逾限者。叅處。
○四年議準。漕船失風。運弁果能岸救。修艙。抵
通全完。照完糧例。予叙。○又議準。漕船因汎水
陡發。暴風忽起。猝不及防。失事之船。果能岸救。
修艙。抵通全完者。領運官弁。及沿途催趲營弁。
均免議處。運官仍照完糧例。議叙。倘船非滿號。
米有虧欠。雖買補全完。仍照失於防範例。罰俸

一年。催趲營弁。不協同岸救。致有漂沒者。亦照
此例議處。○又議準。旗丁盜賣漕糧。領運官弁。
不能察出。降一級調用。其沿途稽察之專汛官。
弁。失察盜賣。米數不及五十石者。一起。罰俸六
月。二起。罰俸一年。三起。降一級留任。四五起。以
上者。降一級調用。其有失察一二起。合算米數。
至五十石以上者。降一級留任。一起。以至三起。
合算米數。至百石以上者。降一級調用。兼轄官。
失察盜賣。米數不及三十石者。一起。罰俸三月。
二起。罰俸六月。三起。罰俸一年。四五起。以上者。

降一級留任。其有失察一二起。合算米數。至五十石以上者。罰俸一年。一起以至三起。合算米數。至百石以上者。降一級留任。專汛兵丁。失察盜賣者。一起。杖八十。○五年議準。領運薊糧千總。抵薊全完。照近省運弁之例議叙。○又題準。頭船姦丁。肆行苛斂。運弁知情故縱者。照縱容衙役犯贓例議處。失察者。照失察衙役犯贓例議處。○又議準。兵役勒增短絳。及串同絳夫。多索夫價。從中取利。該管官自行察出究懲。免議失察者。照失察衙役犯贓例議處。狗縱者。照縱

容衙役犯贓例議處。○又議準。議叙給有頂帶旗丁。及駕運之捐納貢監。或武生。有干犯漕規者。與旗丁一例懲治。○六年議準。隨幫武舉。管押回空漕船。一年之內。並無私鹽事故者。於補官日。紀錄一次。○又議準。領運官中途遇有降革病故等事。該上司。委令隨幫代押。抵通之日。交糧全完者。天津以南。咨部歸於代押重運班內推用。其在北河委運者。補官日。紀錄一次。至運官在途患病。不能押運者。詳報地方所在印官。會同前後幫運弁。驗實。出具並無假捏印結。

請委隨幫代押。俟抵通完糧後。分別予叙。○又議準。湖廣漕船過淮以後。失風失火。賠造不及者。將該船暫減一年。限一年修造。免其督造不力處分。其未經過淮以前。失風失火者。仍按限賠造。○七年議準。領運薊糧。有攙和薊州白土者。照攙和水米議處。不行察禁之薊州文武官弁。罰俸一年。○又議準。領運守千。升任後。遇前任內應叙即升者。於新任加銜一等。○又議準。江南。江西。浙江。湖廣。遠省。領運守千。遇截留漕糧。如數通完。離水次五百里以外者。紀錄一次。

千里以外者。紀錄二次。二千里以外者。照抵通全完例。加銜一等。山東。河南。及不過淮之近省。遇截留漕糧。如數通完。離水次五百里以外者。紀錄一次。千里以外者。照近省抵通例。予叙。至委領重運。効力武舉。及中途代委之隨幫武舉。管押江南。江西。浙江。湖廣。遠省。截留漕糧。如數通完。離水次五百里以外者。補官日。紀錄一次。千里以外者。補官日。紀錄二次。山東。河南。及不過淮之近省。截留漕糧。如數通完。離水次五百里以外者。重運武舉。準作一運。隨幫武舉。準作

押空一次。千里以外者。補官日。紀錄一次。○又議準。漕船隱匿逃人。領運千總。及隨幫武舉。失於覺察者。均降二級調用。如回空漕船。隱匿逃人。該千總尚在交糧。未經到幫者。免議。○八年。奏準。運軍不親押運。將承委之衛守備。罰俸一年。運官徇私失察。降一級留任。○又議準。脫幫遲誤。戴罪督運之弁。如於總漕題參。未經議結以前。能以完糧報部者。準其免議。其已經題結者。照過淮違限例。總漕於完糧後。題請開復。○九年。議準。松江。湖南。江西。各幫糧船過淮。於正

限外。寬限十日。○十四年。議準。漕船丁舵水手。應需食鹽。每船不得過四十斤。有逾數夾帶者。運官照例議處。專汛官罰俸六月。○又題準。漕船回次。著隨幫武舉。約束防範。遇有風火事故。將職名報參。如新運千總接管。即將新運千總報參。其減存在次漕船。運隨二弁。不能兼顧者。責成該管地方官防範。○十五年。題準。温州衛屯租。官徵濟運。有限內不完者。照雜項錢糧例議處。○十七年

諭。前因江西鉛山等幫。沿途使用陋規一案。已降旨

交該督撫河漕提鎮。逐一叅劾治罪。今漕運總督來京。朕命將南漕舊規。分別應裁。應給各款數目。與軍機大臣等會議。將各省漕船陋例。分別裁革。立定章程。通行曉諭。遵守。夫因事餽遺。借端勒索。均干禁令。况漕糧事關天庾。豈容不肖弁役。恣行婪賄。但據該總漕酌定規例章程之內。即有必不可盡革之處。則從前弁役。雖借此侵漁。而按其情罪。究係相沿陋規。與營私納賄者有間。所有從前令各該督撫河漕提鎮。叅劾治罪之處。著加恩寬免。朕辨理諸務。輕重自有權衡。裁制全無成見。既

經察出弊竇。自應禁革。而經營承辦。必不可已之費。亦當酌定條款。俾知法守。嗣後各該管上司官。不時嚴行稽察。如有不肖弁役。或將已裁陋規。私自婪收。或於定數之外。多行勒索。即據實嚴叅。將與者受者。一并治罪。該管官不行揭報。及上司徇隱。不即叅劾。別經發覺。定將失察之督撫提鎮等。從重治罪。欽此。○又奏準南漕舊規。既經酌給有條。裁革有禁。運丁官弁。倘或有婪收勒索諸弊。均干嚴譴。惟是向來頭幫軍伍。既為諸弊叢生之根。則責成頭幫軍伍。是亦剔弊清源之法。嗣

後頭幫軍伍復行科歛。將已裁陋例私自婪收。或於定數之外多行勒索者。令各幫軍丁於經管衙門呈控。審究確實。將勒索之頭伍計賊分別首從定擬。若犯該徒罪以上。均照指稱衙門打點使用名色誑騙財物例。不分首從發邊衛充軍。情重者仍枷兩月發遣。若官弁兵役受賄責令該管上司。即將該管官弁指名題叅。草職審擬計賊以枉法論。督運經催官弁故縱失察。亦責令該管上司。將督運經催官弁分別題叅到部議處。或軍丁挾嫌捏控者。應照誣告律分

別加等治罪。○又奏準。旗丁盜賣糧米。將運弁捆責四十。數至五十石以上者降一級。百石降二級。均調用。二百石者革職。○十八年議準。武職加銜。悉行停止。嗣後運糧衛弁遠省一運全完。加一級。二運全完。加二級。三運即升。近省一運全完。紀錄二次。二運全完。加一級。三運五運與初運同。四運與二運同。六運即升。所加之級準其隨帶。

一經管屯田考成。順治初年定。衛所守千將應行起解錢糧。於奏銷以前。如數全完。千兩以下

者。紀錄一次。千兩以上。三千兩以下者。紀錄二次。三千兩以上者。紀錄三次。凡徵糧一石。作銀一兩。計算考成。其署事官。於奏銷前全完者。照此議叙。○又定。衛所守千。將正雜項錢糧。擅自那移者。革職。如因緊急軍需。不行申報。即行那用者。降一級留任。完日。題請開復。其那用米豆草。亦照此例。分別議處。○又定。衛所官。將經手錢糧。乾沒侵欺者。革職。提問。仍行追贓。失察吏役。侵欺者。革職。將侵欺之吏役。提審追贓。朦溷銷算者。降二級調用。造冊呈報。款項不符者。降

一級調用。冊內數目。舛錯遺漏者。罰俸一年。如冊結遲延。違限不及一月者。罰俸一月。違限一月者。罰俸六月。違限二月者。罰俸九月。違限三月者。罰俸一年。違限四五月者。降一級留任。六月以上者。降二級調用。一年以上者。革職。至尋常文冊。舛錯遺漏者。罰俸三月。轉報官。罰俸一月。○又定。衛所守千。勸民開墾荒地。五十項以上者。紀錄一次。百項以上者。加一級。百五十項以上者。加一級。紀錄一次。二百項以上者。加二級。統俟起科時。該督撫取具印結。題請議叙。○

十三年題準。經徵屯糧衛所官。未完一分以上者。罰俸六月。二分以上。住俸。三分以上。降二級。四分以上。降三級。五分六分以上者。革職。均戴罪徵收完日開復。其叅後違限不完者。加倍議處。如應罰俸者住俸。應住俸者降二級。應降二級者降四級。應降三級者革職。完日奏奪。應革職者降白糧考成。亦照此例議處。○又定。衛所官。捏報開墾荒地者。革職。開墾後復荒者。將開墾議叙之加級紀錄銷去。其開墾荒地。不照起科之例。或先期勒徵。或過期不徵。或私減地畝。定額錢糧者。均革職。或勒民開墾。不照起科

定例。預詳請徵。或應徵在屯錢糧。不行察出。或將開墾地畝。重複涵報。及以多報少。以少報多者。均降一級。調用至丈量地畝。互相推委。或遲延逾期。不行明白詳報。及不送文冊。檄催不申詳者。均罰俸一年。○又定。開墾地畝錢糧徵收全完。取具印結。隨同奏銷錢糧題報。若有遲誤。照違限例議處。○又定。被災田畝。該管官。隨時詳報。夏災不逾六月。秋災不逾九月。衛所官。如詳報遲延。半月以內者。罰俸六月。一月以內。罰俸一年。一月以外。降一級。調用。二月以外。降二

級調用。三月以外者，革職。其被災分數於題報情形之後，衛所官限四十日內，察明造冊詳報。如違限，亦照報災逾限例議處。如妄報災荒者，罰俸一年。報災之時，未繳印結冊內，不晰詳明者，罰俸六月。○又定，衛所田地被災，奉蠲錢糧，衛所官借名肥己者，均革職提問。若將蠲免分數多減入冊者，降二級調用。或被災未經蠲免，於報冊內填入蠲免者，罰俸一年。○又定，衛所經營地方，有蝗蝻生發，不申報上司，及不親身力行撲滅，藉口鄰境飛來，希圖卸罪者，革職。

衛所官奉委協捕，不實力撲滅，以致養成羽翼，為害田禾者，革職。○又定，管河千總，經徵河銀一年全完，三百兩以上者，紀錄一次。○又議，準衛所守千，拏獲逃人十有五名者，加一級。三十名者，加二級。獲逃數多，照此計算，予叙。如一年內所獲逃人不足議叙之數，準以次年所獲逃人合算議叙。不準三年接算。○十八年題準，經徵屯糧未完，不及一分者，停升。一分，罰俸六月。二分，罰俸一年。三分，降俸一級。四分，降俸二級。五分，降職一級。六分，降職二級。七分，降職三級。

八分降職四級。均戴罪徵收。完日開復。九分十分者。均革職。署印官。未完一分。二分。罰俸三月。三分。四分。罰俸六月。五分。六分。罰俸九月。七分。八分。罰俸一年。九分。十分。降一級調用。署印不及一月者。免議。以上未完錢糧。經徵官。限一年全完。如限內不完。不復作分數。照原叅分數處分。八分。七分。革職。六分。五分。降五級調用。四分。三分。降四級調用。二分。一分。降三級調用。限滿未完不及一分者。停升。罰俸一年。○又題準。接徵衛所官。以到任之日為始。限一年徵完。未完

者。照例議處。○又題準。隨漕輕齎等項。經徵衛所官。初叅未完不及一分者。停升。罰俸一年。一分。降職一級。二分至四分。以次遞降。均戴罪徵收。五分以上。革職。署印官。未完不及一分者。罰俸三月。一分。罰俸六月。二分。罰俸九月。三分。罰俸一年。四分。五分。降一級調用。六分。七分。降二級調用。八分以上。革職。署印不及一月者。免議。以上未完。經徵官。限一年全完。如限內不完。不復作分數。照原叅分數處分。不及一分者。降一級調用。三分。降五級調用。四分以上者。革職。○

又題準。隨漕輕齎。原叅不及一分。限內不完。先降一級。留任。再限一年。督催。如仍不完。照原例降調。○又題準。經徵鹽課衛所官。未完不及一分者。停升。一分以上。降俸一級。二分。三分。降職一級。四分。五分。降職三級。六分。七分。降職四級。均戴罪督徵。完日開復。八分以上者。革職。署印官。未完一分。二分者。罰俸三月。三分。四分。罰俸六月。五分。六分。罰俸九月。七分。八分。罰俸一年。九分。十分。降一級。調用。署印不及一月者。免議。以上未完。限一年全完。如限內不完。不復作分。

數。照原叅分數處分。不及一分者。降一級。調用。一分。二分。降三級。調用。三分。四分。降四級。調用。五分。六分。降五級。調用。七分以上者。革職。○又題準。銷引未完一分者。停升。二分。降俸一級。三分。降俸二級。四分。降職一級。五分。降職二級。六分。降職三級。七分。降職四級。均戴罪督銷。八分以上者。革職。其戴罪督銷。限一年銷完。如限內不完。照屯糧限滿未完例處分。行鹽衛所官。如有私派戶口。勒買銷引者。革職。不行察報之上。司。降三級。調用。署印官。銷引未完一分。二分者。

罰俸三月三分。四分。罰俸六月五分。六分。罰俸九月七分。八分。罰俸一年九分。十分。降一級調用。署印不及一月者免議。○康熙十四年議準。限滿未完錢糧。初叅四分。係赦前二分。赦後二分者。若年限內將赦前未完二分。已經全完。止照赦後未完二分處分。如年限內。赦前二分未完。仍合赦前赦後。一并處分。其初叅四分。均在赦前年限內。未經全完。仍照原叅分數。以初叅例處分。如限內又經過赦者。扣除赦前月日。以赦後計算。年限滿日。察明題叅。照例議處。○又

議準。經徵各項錢糧。於未完之先。經別案降調離任者。罰俸一年。○又議準。未完雜項錢糧。不作分數者。由部覈明題叅。降俸三級。戴罪督催完日開復。如年限內不完。罰俸一年。仍令督催署印官。罰俸一年。○又議準。衛所官。以未完錢糧。捏作全完申報。或屢經後任官徵完。捏作一官徵完者。均革職。或錢糧未經起解。申報起解。或庫內無銀。申報有銀者。均降二級調用。其一應批迴。未獲稱為已獲。未發稱為已發者。均罰俸一年。○十五年議準。衛所官。失察隱匿熟地

五十畝者降一級調用。一項降二級調用。一項五十畝降三級調用。二項降四級調用。二項以上者革職。如先因清釐隱地及開墾荒地。有加級紀錄者。均準抵銷。其升遷降調休致告病衛所各官。被接任官察出隱地。均照見任官處分。革職。如係欺隱田糧。仍行治罪。○二十七年

諭嗣後民人。若有出首開墾田畝。不必拘定年限。均自出首之年。徵收錢糧。該管官亦免其議處。欽此。○三十一年議準。凡有分數錢糧。接徵官如限內不完。將前任已完分數扣除。照見在未完分數。以初

叅例議處。○又議準。徐淮臨德等倉。本色米改折銀。限一年全完。不完。將衛所官照屯糧初叅例議處。如再不完。照屯糧限滿不完例議處。○四十一年議準。隨漕輕齎錢糧。原欠一分者。限內能完。至八九釐。先降一級留任。再限一年督徵。如仍不完。照原例降三級調用。○雍正元年議準。水田。以六年起科。旱田。以十年起科。勸墾荒地之衛所官。統俟起科時。照例議叙。○五年議準。衛所守千。遇屯軍犯命盜等案。該管州縣移會衛所。嚴行緝拏。限滿不獲。督撫將疎防承

緝之衛所官。一并題參。照例議處。如衛所官。隱匿屯軍。推諉者。許承審官。揭報。該督撫。題參。照狗庇例議處。其不理民事。專管漕運者。免其參處。○乾隆二年議準。距省寫遠地方。詳報被災情形分數。均扣算程途日期。逾限者。各按遲延議處。○三年議準。貴州苗疆屯軍人等。將官給屯田。私自典賣與人。該衛千總。不行察出者。罰俸一年。其越界侵占苗人土田山場。並砍伐竹木。該衛千總。失於覺察者。降一級留任。狗情隱匿不報者。降三級調用。○又議準。逃人潛匿衛

所地方。該守千失於訪緝。被人出首。拏獲在六月以內者。免議。逾六月者。降一級留任。逾一年者。降二級調用。明知故縱者。革職。○七年議準。經徵隨漕輕齎等項錢糧。署印官。均照正印官例議處。○又議準。經徵屯糧。初叅未完一分以上者。一年限內。能完至八九釐。先降三級留任。再限一年督徵。如仍不完。照原例降三級調用。○又議準。經徵鹽課。未完不及一分。限內不能全完者。先降一級留任。再限一年。戴罪督徵。如仍不完。照原例降一級調用。○又議準。經徵蘆

課未完或初叅。或限滿題叅。均照徐淮等倉例處分。○又議準。衛所官。凡有未完各項錢糧。經戶工二部。覈明續完蠲免。具題到部者。不必議覆。即準銷案。如戶工二部疏內。分數職名。與兵部原案不同。咨詢戶工二部。如又有不符者。仍行題覆。○又議準。衛所經徵接徵各官。有未完錢糧。叅後續完。或

息救蠲免。應行開復。本官不呈請開復者。罰俸一年。○又議準。衛所應蓋造倉廩。不詳請修造。以致米穀霉爛者。革職。動帑買補。勒限一年。照數追

賠。如限內不完者。照損壞倉庫財物律治罪。如侵盜入已。捏稱霉爛虧欠者。照侵蝕例治罪。

國



四

